

Na osnovu člana 5. i 8. Zakona o ministarstvima i drugim organima uprave Tuzlanskog kantona («Službene novine TK», broj:17/00) i Odluke o utvrđivanju kriterija, uslova i postupka za raspodjelu sredstava sa potrošačke jedinice 24010003 – Fizička kultura i sport za 2004. godinu broj:02/1-02-2434-1/04 od 02.03.2004. godine Vlade Kantona, Ministarstvo obrazovanja, nauke, kulture i sporta Tuzlanskog kantona raspisuje

JAVNI POZIV

za predlaganje programa sportskih takmičenja, manifestacija, trenažnog procesa i drugih potreba u oblasti sporta

I

Raspisuje se Javni poziv za predlaganje programa sportskih takmičenja, manifestacija, trenažnog procesa i drugih potreba u oblasti sporta za 2004. godinu.

II

Na javni poziv za predlaganje programa sportskih takmičenja, manifestacija, trenažnog procesa i drugih potreba u oblasti sporta za 2004. godinu mogu se prijaviti **registrovane sportske organizacije i klubovi koji ispunjavaju slijedeće kriterije:**

1. Da su plasirani od I do IV mjesta u ekipnoj konkurenciji takmičenja u Federaciji Bosne i Hercegovine i Bosne i Hercegovine, da su osvojili prvo mjesto na takmičenjima u Federaciji Bosne i Hercegovine i Bosne i Hercegovine, da su učesnici finala Kupa Federacije Bosne i Hercegovine i Bosne i Hercegovine,
2. Da su stalni članovi državnih reprezentacija i da nastupaju na zvaničnim međunarodnim takmičenjima, da su se plasirali na zvanična međunarodna takmičenja, da su državni rekorderi i da postižu međunarodno značajne rezultate, da su članovi prve lige Federaciji Bosne i Hercegovine,
3. Da se radi o organizaciji manifestacija federalnog i međunarodnog značaja, koje se održavaju na Kantonu, da je to oblast školskog sporta, masovni sport ili drugi oblik sportske manifestacije masovnog tipa,
4. Da je to sufinansiranje rada Sportskog saveza Tuzlanskog kantona,
5. Da je to obezbjeđenje plaćanja korištenja sportskih objekata za trenažni proces, da su to troškovi takmičenja i plaćanje kotizacije,
6. Da aktivnost predstavlja pripremu sportista za međunarodna takmičenja,
7. Da je to sufinansiranje potencijalnih olimpijskih kandidata,
8. Da je to stipendiranje sportista koji su oglašeni sportistima TK za 2003. godinu u ženskoj i muškoj konkurenciji.

III

Predlagač sportske aktivnosti ili manifestacije je obavezan dostaviti:

1. **Rješenje o upisu u registar pravnih lica sportske organizacije, saveza, asocijacije ili kluba (kopija),**
2. **Identifikacijski znakovi, identifikacioni broj iz registra poslovnih subjekata, spesimen potpisa (kopija),**
3. **Finansijski plan predloženog sportskog takmičenja ili manifestacije sa potpunom specifikacijom troškova i visina sredstava koja se potražuje od Ministarstva obrazovanja, nauke, kulture i sporta,**
4. **Izveštaj sa računima, ugovorima i drugim dokazima, o utrošku sredstava za sportska takmičenja i manifestacije koja je predlagač dobio od Vlade Kantona ili Ministarstva obrazovanja, nauke, kulture i sporta u 2003. godini,**

Prednost za dodjelu sredstva imaju sportski klubovi i organizacije kojima su sredstva dodijeljena u 2003. godini a nisu realizovana.

IV

Ministarstvo obrazovanja, nauke, kulture i sporta će na osnovu utvrđenih kriterija raspisati javni poziv za predlaganje programa sportskih takmičenja, manifestacija, trenažnog procesa i drugih potreba u oblasti sporta i imenovati stručnu komisiju koja će izvršiti odabir programa sportskih takmičenja ili manifestacija i sačiniti program raspodjele sredstava u iznosu od 400.000,00 KM za sportska takmičenja, manifestacije i trenažne procese u 2004. godini.

Pored kriterija i uslova iz tačke II i III ovog poziva, aplikanti su obavezni ispuniti **PRIJAVNI OBRAZAC** za fizičku kulturu i sport.

V

Javni poziv ostaje otvoren 15 dana od dana objavljivanja. Prijave na poziv sa potrebnom dokumentacijom slati na adresu: Ministarstvo obrazovanja, nauke, kulture i sporta Tuzlanskog kantona, Ul. Slatina 2, Tuzla.

Nepotpune i neblagovremene prijave neće se izeti u razmatranje.

**MINISTARSTVO OBRAZOVANJA,
NAUKE, KULTURE I SPORTA**